

■ GLOSSA

Controlla dals profils

(per il presidi da la Lia Rumantscha)

DA SILVIO CAMENISCH

So ussa. Nus na smatgain betg qua davant. Nus stain en colonna, spe-tgain ed avain pazienza anc in pitschen mument. Lessas Vus presidiar il presidi vagant, eh, vacant da la Lia, interessescha nus Voss profil. Profilacticamain sto quai esser. Mussai a nus Voss profil, schain nus, essas Vus en la pre pre seleccziun pli stretga. Na ademphischa Vossa curiusa profilaziun betg en tuts puncts las prescripziuns pli rigurusas, schain nus er quai. Na datti betg daper-tut. Suttascrivessas gist, sche Vus faschessas uschè bain, lessas savair detaglià, u pli gugent rudimentar-main sco tar Voss medi (-urolog) da confidenza?

Guardai, signurs experts, tgenin profil da la persunalitad ch'jau m'hai laschè gummar si per il presidi. Navair, unic? Sun jau betg unicum, sun jau betg unicat tranter tuttas persunalitads en lunga colonna per l'uffizi dal president? Ils terrens da las retroterras rumantschas d'idioms (songt! songt! songt!) èn uschia insatge sco malgulivs crappus but-tunus. Hai jau patratgè per mai, jau patratg er insatge,



signurs experts: Meglier ta laschas gummar si gross. Ils experts, las expertas schon era, guardan sin quai. Glimar u smerigliar davent, er egal, pon noss stifts anc adina.

Tge tarments profils mussas ti er, Paulina sin il culm? Pneus gum-mads si grossezza e ladezza cun botox, adattads tant per agricultura da munto-gna sco economia forestala puspè da muntogna. Tant sco quant. E tgenins inter-ress fitg particulars defen-das en mintga cas, Paulina? Il Stai si, defenda! defen-dan schon duas cumbat-tantas ferventas fin vehe-mentas (inbrünstig, glü-hend heiss). Schessan nus talibanas? Stgisai, tulipanas vesan or auter.

Dastg jau mussar mes profil, navair glischen sco in pesch, dunna giurora!

Bain toffa il pesch adina l'emprim tar il chau, e pu-dess gist uschè bain tuffar ina giada l'emprim tar la cua, e tgenina! Guardass, u meglier fradass jau en min-tga cas tar mes concurrents, fiss jau qua davant il Boh-len cun las duas blondinas Michelle la belle e TV-Gottschalk en la giuria fina-la per il premi dal president u da la presidenta da la Lia. Na! Nus na dain betg (da) la cua, nus n'auzain betg la cua davant si, mo per ans far plaschaivels a l'auta giu-ria, mussass la reschia gist ella da sutensi, super, l'auta giuria vesa schon noss profil gummà si cun botox u tge adina, da surengiu ed ha ses cumplaschair.

Pudessan nus controllar mes profil, e tgenin! sco cumbattant, Mitreiter und Mitstreiter, per il pre-sidi vegnì liber? Avant era el er trasor occupà, ella era. Jau less era manar ina giada la Lia, resp. la Lia less er esser manada ina giada, pli gugent quella giada, da mai mai mai! Quai betg en fur-ma passiva, giain nus l'em-prim mument davent a l'offensiva. En furma passi-va pudain u dastgain nus adina insanu'auter. Betg vair, Lia? Profilà sun jau suffizient, effizient sun jau adina.